

philus despondit animum, sed uti longanimis erat & patiens, non lusuram se operam speravit, si opus ad Dei gloriam inchoatum perurgeret. Cum iste igitur Scriptores Sacros ab ipso laudatos cavillaretur, & tanquam recentes ac nuperos rejiceret, noster Amadeus, & *vel unius salvandæ animæ percupidus*, ipsum tertio labore aggressus, novum illi misit opusculum, in quo Sacrarum literarum Scriptores cum antiquissimis Gentilium composuit, & quanto isti intervallo hos vincerent, clarissimè demonstravit. An illum pervicerit ut manus daret, & collū suavi Christi jugo submiserit, licet bene sperare liceat, satis tamen compertum non est, nos ad comperita transeamus, atque secundum Sacræ introductionis vestigium in S. Justinimartyris historia observatum considerabimus.

## II.

Quemadmodum enim eadem ferè  
**THEOPHILI ANTIOCHENI & JUSTINI PHILOSOPHI  
 AC MARTYRIS** fuere tempora, præclara  
 utriusque indoles, consimilis studiorum  
 c 2 juveni-